



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 24. Ultima S. Augustini opera.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

frequentissimi in Concilio adsint. Nemo Sæculum V.
A. C. 430.
interea quidquam innovet, donec Conci-
lium fuerit congregatum. Nullatenus
dubitamus, omnes Episcopos prompte ven-
turos, si quis absit, nulla ei coram Deo,
& coram nobis excusatio erit. Datum
Constantinopoli, decimo tertio Calendas
Dec. Theodosio decimo tertio, & Valen-
tiniano tertio Consulibus, id est, 19. Nov.
anno 430. Ad celebrandam Synodum Sacra per
Joan. Conc.
Ephes. p. 721
delecta est Civitas Ephesina, omnibus
rebus ad vitæ commoditatem instructis-
sima, & ad quam facilis esset terra, mari-
que accessus.

Præter Epistolam Circularem alia spe-
ciatim ad S. Cyrillum data, qua Theo-
dosius sanctum Virum accusat, quod tur-
barum in Ecclesia auctor esset; queritur
etiam, quod diversas scripsisset Epistolas,
unam ad se, & Conjugem Eudoxiam, al-
teram ad sororem suam Pulcheriam, qua-
si vero divisa esset Familia Cæsarea. Ve-
niam tamen concedit, & hortatur, ut in
Synodo ad reducendam Ecclesiæ tran-
quillitatem, quantum posset, collaboret.
Ex hac Epistola cognoscitur, Theodosii
animum in S. Cyrillum præjudicio la-
borasse.

§. XXIV.

Ultima S. Augustini Opera.

Sanctus Augustinus nominatim ad Sy-
nodum vocatus est ob præcellentem
Hist. Eccles. Tom. VI. E. de

Sæculum V. de eo opinionem; quæ enim alia causa
A. C. 430. sit, cur ipsum Cæsar inter innumeros E-
 piscopos secerneret? Quidam Imperato-
 ris servus, nomine Ebagnius, Epistolam
 detulit, sed cum Carthaginem circa Fe-
 sta Paschalia anni sequentis 431. demum
 pervenisset, comperit, S. Augustinum e
 vita migrasse, & Constantinopolim re-
 diit cum litteris Capreoli Episcopi ad
 Imperatorem, quibus viri obitum signi-
 ficabat. Ultimus S. Augustini labor lit-
 terarius fuit secunda ad Julianum re-
 sponso, quam imperfectam reliquit; Ju-
 lianus quatuor libros contra primum li-
 brum S. Augustini de Nuptiis, & Con-
 cupiscentia scripserat, at cum vidisset
 etiam secundum, octo libros, ut respon-
 deret, composuit, eosque Floro, Episco-
 po Pelagiano, eorum ex numero, qui se-
 cum Constantinopolim confugerant, in-
 scripsit. Julianus nesciebat, S. Augusti-
 num sex libros composuisse, quibus qua-
 tuor ejus primis respondebat, nec etiam
 sciebat, si ipsi credimus, S. Augustinum
 hos quatuor libros vidisse; & quidem
 ignorare hæc poterat, quia illo tempore
 in Cilicia versabatur. S. Augustinus, a-
 liis laboribus obrutus, ægre adduci po-
 terat, ut responderet his octo libris, qui
 injuriis, & sermonibus ambiguis scate-
 bant. Nihilominus S. Aypio, urgere
 non cessanti, cessit, & scripsit; quippe
 etiam

Sæculum V.
A. C. 430.

etiam timebat, ne homines rudes hanc Juliani responsionem legerent, & quam futillis sit, non perspicerent. Igitur S. Augustinus huic labori usque ad ultimos vitæ dies incubuit; sex libros concinnavit, qui sex primis ex illis octo Juliani opponuntur. Primo ponit Juliani verba, tum ab articulo ad articulum respondet. Quia Julianus vix quidquam aliud afferebat, quam quod in primo suo opere dixerat, S. Augustinus quoque in his libris sæpe ea, quæ dixerat alibi, repetere cogitur. Nihilominus multa inveniuntur, quæ maximi ponderis sunt, fortius expressa; rei veritas magis explicatur, & plena lux affunditur. Ultimis vitæ annis, & postea quam Retractationes scripsisset, compendium præceptorum moralium ex S. Scriptura extraxit, quod speculum appellavit, quia Fideles, id legentes, statum animæ suæ, & in virtutibus progressum conspiciere possunt. Nihil aliud, quam quod ad formandos mores facit, inseruit, & præcepta, directe, atque simpliciter sine figura proposita, affert. Hic S. Augustinus non usus est versione septuaginta Interpretum, ut solebat, sed versione S. Hieronymi ex Hebraico, quod esset clarior. Initium ducit a Legibus, quæ post Decalogum in Exodo traduntur, tum præcepta moralia ex toto antiquo Testamento excerp-

E 2

pic

Sæculum V.
A. C. 430:

pit, nec illos libros omittit, quos Ecclesia Canonicos tenet, etiamsi in canone Hebræorum non inveniuntur. In extræctis novi Testamenti primo ponit Sermonem Christi in monte, eaque usque ad Apocalypsin continuat. Cum inter tot Scripturæ textus, aliqui occurrant, qui sibi contrarii videntur, animus erat, eos in quæstionibus explicare, quas deinde separatim ederet, sed propositum exequi non potuit.

§. XXV.

Miser Africæ Status.

Possid. c. 28.

Interea Africa a Vandalis extrema patiebatur, quæ calamitas ultimam S. Augustini vitæ partem amarissimam reddidit; ita enim loquitur Possidius Episcopus Calamensis, qui omnia suis oculis vidit, & subjungit: *Videbat Vir sanctus, vastatas urbes, & domos agrestium dirutas, incolas aut occisos, aut profugos; Ecclesias Sacerdotibus, & Ministris destitutas, Virgines sacras, virosque Religiosos in diversa sparsos. Aliqui tormentis succubuerant, alii gladio perierant, alii in dura captivitate, postquam integritatem corporis, spiritus, fideique amisissent, inimicis barbaris serviebant. Videbat Hymnos, & Laudes Dei cessare in Ecclesiis, quas in pluribus locis flammæ consumpservant; Sacrificia solemnia Deo debita, non amplius*